



## RESOLUCIÓN DE PRÓRROGA DO ORZAMENTO PARA 2012

De acordo co establecido no artigo 176 dos Estatutos da Universidade de Santiago de Compostela, a non aprobación do orzamento anual da Universidade antes do día un de xaneiro do ano correspondente suporá a prórroga automática do orzamento do ano anterior.

Tendo en conta que non é posible aprobar o orzamento para o ano 2012 antes da data citada, esta reitoría RESOLVE:

**1. Prórroga.** Prorrógase o orzamento da Universidade de Santiago de Compostela do exercicio 2011

**2. Contía.** A contía do orzamento prorrogado será de douscentos vinte e oito millóns oitocentos corenta e tres mil novecentos sesenta euros, distribuídos nos seguintes capítulos:

<b>INGRESOS</b>	<b>228.843.960,00</b>
Capítulo III.- Prezos públicos e outros ingresos	41.548.000,00
Capítulo IV.- Transferencias correntes	140.109.480,00
Capítulo V.- Ingresos patrimoniais	713.000,00
Capítulo VII.- Transferencias de capital	41.473.480,00
Capítulo IX.- Variación de pasivos financeiros	5.000.000,00
<b>GASTOS</b>	<b>228.843.960,00</b>
Capítulo I.- Gastos de persoal	149.260.000,00
Capítulo II.- Gastos en bens correntes e servizos	26.188.960,00
Capítulo III.- Gastos financeiros	898.000,00
Capítulo IV.- Transferencias correntes	2.904.420,00
Capítulo VI.- Inversións reais	42.672.580,00
Capítulo IX.- Variación de pasivos financeiros	6.920.000,00

**3. Importe do crédito do orzamento prorrogado.** O crédito inicial das partidas do orzamento prorrogado será igual ao crédito inicial que tiñan no orzamento de 2011 (páxinas 37 a 53 “edición impresa” / 43 a 55 “edición web”).

**4. Criterios de non dispoñibilidade da prórroga.** A previsión de menores ingresos para o ano 2012 fai necesario unha retención cautelar no orzamento que se prorroga.

**4.1.** As porcentaxes de retención que se aplicarán sobre os créditos prorrogados, son:

Capítulo II o 25%

Capítulo IV o 50%

Capítulo VI o 80%

Os capítulos I, III, e IX o 0%

**4.2.** Os Responsables de Asuntos Económicos formalizarán estas retencións mediante autorizacións.

**4.3.** Non será de aplicación as retencións indicadas anteriormente a:

Créditos do Consello Social

Créditos para as Bibliotecas

Fondos de dotación de créditos para cursos de posgrao, proxectos, contratos e convenios de investigación.

Subvención á “Fundación USC Deportiva”

Crédito para Programas Educativos Europeos

Créditos para investimentos de reparacións e mellora asociados a subvención do plan de financiamento do SUG

**5. Normas de execución.** Como consecuencia da prórroga, seguen en vigor as normas de execución do orzamento para 2011 e as complementarias ditadas neste exercicio, en todo o non modificado pola presente resolución.

**6. Créditos derivados de financiamentos específicos (actividades de I+D+i, cursos de posgrao propio, etc)**

O crédito do que poderán dispoñer estas actividades que teñan anualidade prevista no ano 2012 ou que sigan activos durante este exercicio, será o resultante da suma do remanente do exercicio 2011 e/ou a anualidade concedida para o ano 2012. Formalizaranse na contabilidade descentralizada mediante as figuras de “IR – Incorporación de remanentes”, e “TP – Transferencia de crédito”, respectivamente.

**7. Créditos dos Departamentos.** Os responsables de asuntos económicos aperturarán o crédito de cada departamento mediante unha modificación orzamentaria “TP” polo mesmo importe que foi distribuído no ano 2011 para gastos de funcionamento e desprazamento.

### **8. Disponibilidade no 2012 dos saldos dos créditos a 31/12/2011.**

Ata o peche da contabilidade do ano 2011, previsiblemente a finais de febreiro de 2012, os saldos dos créditos a 31/12/2011 do capítulo VI financiados con fondos propios habilitaranse no orzamento do 2012 nunha porcentaxe do 20%.

O crédito habilitado na partida da Vicerreitoría de Investigación para facer fronte ao cofinanciamento das infraestruturas de investigación da convocatoria 2011 do programa FEDER incorporarase ao 2012

### **9. Apertura do exercicio 2012 e contabilización de gastos**

O exercicio económico 2012 abrirase en canto sexa tecnicamente posible, e desde ese momento poderanse facer as operacións contables necesarias.

Como excepción, non se poderán introducir facturas con IVE ata que se determine a porcentaxe de prorrata aplicable, previsiblemente nos primeiros días de febreiro.

**10. Disposición adicional.** Son de aplicación as disposicións adicionais contidas nas normas de execución dos orzamentos 2011 que prevén ditar as instrucións que sexan precisas por parte da Xerencia para a adaptación e desenvolvemento das Normas de execución, e tamén de aplicación da presente resolución.

Santiago de Compostela, 30 de decembro de 2011

O REITOR,

Juan José Casares Long



Sres/as Vicerreitores/as; Sra. Xerente; Sres/as Directores de Centros, Departamentos, Institutos Universitarios e Servizos; Sres/as Responsables de Asuntos Económicos